

NAMIBIA SENIOR SECONDARY CERTIFICATE

FIRST LANGUAGE RUKWANGALI HIGHER LEVEL

8306/1

PAPER 1 Reading and Directed Writing

2 hours 30 minutes

Marks 60

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimburo goge moBukelimbwiliro vana ku pe.
- Tjanga Nomora zoge zEvangogotjangerero, zoUkandidate nEdina lyoge momavega goBukelimbwiliro.
- Tjangesa pena zouneguru wokusovagana ndi zonsovangani.
- Wa ha ruganesa yikwamema yokudongwenesa.
- Limburura mapuro **nagenye**.
- Pakera mbili esipero, yidivisoresseseso netungontando.
- Sivaro soyitwa kuna si gava moyokindekeli [] kehagero lyankenye epuro ndi koruha rwepuro.

This document consists of 7 printed pages and 1 blank page.



Republic of Namibia

MINISTRY OF EDUCATION, ARTS AND CULTURE

RUHA A

Resa yireswa oyo yivali, konyima o limburure mapuro ogo naga kwama ko.

Sireswa 1

Ntekwiso Zopantani

Kasiku zaMunguya, mugolikadi ga tunda kombindakano zaNamibia momukunda gwaKavango,nye age kwa kulira monkurumbara moVenduka. Age kwa tunga morukanda rwa kara nongawo. Age nga rugana mositora sokurandesa yikwayitungiso ngwendi nondarate, nondopi, nonomotengi ngoso na ngoso. Age kwa kara nembo lyewa lyenene olyo lyamupura yimaliwa yoyinzi.

Kasiku, kwa kara novana vavali ntani nonontekuru mbali, owo vakara metekuro lyendi. Vana vendi apa vasikire monomvhura dokudimba sure, yipo gava tjangesere kosure. Age gadivire asi erongo lyopwantani yizo zelize nzira zokureta po ekuliko komuntu ntani erongo ngali ka paka menho zovana vendi mondika. Kasiku kwa kara nononzapo derongo lyepeguru odo ga gwano poyirongo yoponze ntani ponosure depeguru domosirongo ngwendi po UNAM.

Embo lyendi kwa likundama noku a rukanene. Age muhona gwendi kapi amu handukire handukire, nampili yeyi a dili kukara po poyirugana siruwo sosire. Age nkenye apa kurongikidira vana vendi mulisuko ano pamwe kuvarandera nondya danya nare ngwendi chips nonomuhaka (Russians) mositora sokurandesa nondja sakara pepi nembo lyendi komeho varare. Poyiruwo yimwe vana vendi kutarera TV masiku nagenye dogoro ngurangura, va hana kulya yuma. Ano yininke yangesi ngayi ninkisa vana vendi vancenune yiruganena yomonkondwarongerero. Ano poyiruwo yimwe vanona ava kumoneka vana roroka ntani mazimo gawo kuna guruguga, esi yiso sidiviso sonzara.

Nkenye ezuva Kasiku kumeneka ngurangura a genye ke mema kesuga lyorutjeno vana vendi valikuhwe komenho vaze kosure. Age kuva pa efere (N\$100.00) nkenye ezuva va karande nondya neyi yokunwa mokasitora koposure. Awo kuranda nodya doufuuli yimo tupu nokuswaura vanasure vakwawo.

Kasiku nga gwana nzambi zongwa ezi ngazi muninkisa a tekure vana vendi momuwa noyihepwa yawo yosure. Age ngarandere vana vendi mudwaro gosure mwankenye sinema. Age ngali kanganga, nampili mudwarogasure kuna tomoka ta gu tavagura po aka randeko gumwe. Ukaro wendi kwa ninkisire vana vendi vayitemwinine ukaro wendi nawo, tava vareke kulikida nonkedi donondona, morwa zinyawo ngawo. Kasiku pevango lyokukorangeda vana vendi vakare nosinka sokulironga, age ngava sigilire vatare TV kupitilira, age ngayi mono asi kutara TV tayi vapaturura nondunge dawo kuhamena uzuni wantani. Age ngava pulisire vatare nkenye eyi vana hara kwato eyi ngava nyokere. Ano eyi kwaretesere po nye vana vendi vatemwinine nokulironga yininke yokudira kuwapera mokukwama nomvhura dawo.

Kasiku ngaruganesa nzambi zendi nazinye konondja noyihepwa yimwe yemembo, ga hana kupungura ko nampili sasipenisa. Vanona ngava vavapulisire valye nkenye eyi vana hara, nomukaro dawo kwa donapere.

Nampili sure ngomu za kere pepi nembo lyendi, vana vendi nga li va twara nokuka va simba etuwa kosure. Nsene etuwa lyokukavasimba lina zonauka ta tantere vana vendi va faure kosure. Age nga tangwisa varongi pafunguna nsene vana vendi vanodopa.

Poyiruwo yimwe ngazi pomundinda gwendi posure aka tangwise vamitili, nsene podili noveta dimwe edi ana kudira kuzuvhira mbili unene po eruganeso lyonofunguna vanono posure. Age kapi ga here vana vendi zi va pisure sure. Eyi yiyo yaninkisire vana vendi vakare nonomukaro donondona pokatji kawo novarongi yimo tupu nage nkenye apa ngakara nonomutango novarongi.

Ano vasesu ngava mupandaike omu ngatekura vana vendi momukunda, ano vamwe ngava yimono asi ngarere vana vendi seke, ano age ngayi mono asi age kuna kuna kurugana sininke sosiwa.

Ano pokupwaga kosure vakadona vana ngava zuguma nondjato dawo dosure, nokuvareka kudanesa nofunguna dawo ndi kukara kointeneti. Ano vamati awo tava gendura monostarata oku tava koko makanya nepangwe. Awo ngava ruganesa mepuko yimaliwa eyi ngava pe vakarande nondja domuzuhwa kosure, awo yimaliwa yina kapi ngava ya yiranda po nayinye.

Konyima zonomvhura dongandi, yipo vamene sure, ano yitundwamo yawo kwa kere yahanaudumba. Kasiku nage kwa mutjidire moyirugana, morwa nkenye apa ngadumwa nokuhulilira. Ano vana vendi awo kwa yalitulire moukorokotji, eyi ngayi vaninkisa vaporosi vava kwama kwame nkenye siruwo. Awo kwa tjilire kuza modorongo yiyo vatjuyukilire moAngola kapi va moneka hena. Ano ava wovakadi kwa kere nazinyawo nokureta vana wovanzi.

Kasiku kwa yarandesere embo lyendi lyomorukanda ronongawo ta ya dirukire koyisasara, koHavana. Ano murukanda oru kuruganesa nosera, morwa kwato yimaliwa yokuranda rutjeno. Ano nzara ngazi ya vaninkisa vakohwe yisima kumwe notombo. Muhundili kapi a tjimwa.

Sireswa 2

Mulyo gokukwatera mpo

Posiruwo simwe na lipyakidilire ku ka dingura mukunda gumwe. Kapi ngani yi divara eyi naka mwene meparu lyange mudima pomukunda gwina. Sopomuhowo esi na ka dimbwilire, elizuko muniro, eharo valihara unene vanamukunda. Awo kwa kara nelizuvo lyewa. Muntu ana kara nosuma sokulya ndi sokunwa nkenye apa ta ligawinine ndi ta pe ko vanamukunda vakwavo. Ou usili wokuliza nosisewe soVakwangali asi, “kuwoko kumwe kapi a ku pandura udano. Vanamukunda kuzogera parumwe maudigu aga gana kugumu mparukiso zawo. Sinka sokukulika nokuronga nonkedi vasesugona kusirugana vanamukunda navenye, sangesi kuliza kumwe nosisewe sovakwangali esi asi “nyara zimwe kapi tazi vhuru kudamuna ena.”

Vanamukunda kutengera nonzambi yipo va likonge va ya livatere momapya. Narunye sirugana semepya kusipitisira mugara, yirugana kugenda nawa. Vantu narunye kuhafa nokupembura posilika sangesi, yakutanta asi, “epemba lyankutji eroworowo lyakadira, mutega kadiva nzara zamukora, mulima kapembe galya ga tulika.”

Vadimu vetu kuuyunga asi, “oso sinka soge kwankenye eyi ono kurugana”.

Vanona kugenda monombunga pokuza kosure, nokilometera dononde kutunda komambo gawo eyi kuvatumangeda yipo valironge nokurugana nononkondo yipo vaka guse po udigu ou.

Vanona kuza notumundomo (tupako) tosikudu (yikunwa yopampo zosikwangali) kosure. Sikundu sikunwa somulyo pampo zosikwangali, morwa aso kugusa nzara nenota. Kupa vanona nonkondo yipo varugane ezuva nalinye.

Vanona kurugana yirugana ya va tumbukira pwa hana esininiko. Vakurona awo kuwiza tupu vava tare nsene asi yirugana tava yi rugana nawa, ndi kuwiza vava gave magano nsene vana gapumbwa.

Konyima zosure, vamati kukalisa nongombe nokuditwara komema dika nwe. Awo hena vamati kwa kara nositumbukira sokutara no ku wapeka nongumbu komapya, nsene dina zonauka. Pokutoka ezuva vamati kukara posinyanga, va ndindire va va zigide vakasimbe nondya dawo komasuga oku ava di wapayikire. Posinyanga yipo nye apa gendere nomuteu deyi ayi piti momaparu gawo neyi vana kugwanekera nayo apa vana kulisa nongombe, ndi awo kosure. Yirugana ava rugana vakadona membo kuvaninkisa vava pandure unene. Vakadona narunye awo kukara komasuga va tereke nokuvatara vazinya vawo. Kuza va ka tjave yitare. Momparukiso zangesi kapi ngo zuvha asi gumwe gwawo momukunda ana fu konzara.

Vakurona ku kara novana vawo konyima zomurarero posinyanga va va ronge evhuliko konompango dawo nokulifumadeka hena vene. Sitambo kuvaronga valironge kokukara panyama komeho zononkwara. Eyi kuyininkira yipo vapopere vana vawo va ha gwanasi vakeke, vanona vawo va hana ku kwara. Kuvadivisa nokuvanyokera yoku hamena ukorokotji, eruganeso yikorwesa noyikwamapangwe mepuko, yipo asi kipasi ngava ka hagere modorongo noku kava zigida asi yiporoporo momaparu gawo. Kuvaronga hena eruganeso lyofunguna, funguna kuziruganesa dogoro ono mana yirugana yemembo neyi yokosure. Funguna zokomawoko kuvhura kukudopesesa.

Sinzi sovakurona kapi va lirongere sure, yiyo ngayi va ninkisa va dire kuvatera vana vawo koyirugana yosure. Nye nampili ngoso, awo ngava pe vana vawo siruwo sokugwanena va rugane yiruganenambo yawo, ntani va lironge yipo ngava ka kare nomeho zongwa.

Vakurona kudingura nosure yipo va divilise asi vana vawo kuna kurugana nawa moyirongwa yawo nokutara nsene asi vana hepa nombatero dokugweda ko koyirugana yawo yosure.

Membo pokulya vanona kuvagaununa kukwama momareto gawo ntani morudivarwa, ntani nopokulya yimo hena ava va gaununa pokulya murarero. Nyama pampo zetu kuzidamuna, nsene muhoka noyisima kuna ku hara kupwa po. Mukurona yige a howo ntani nomulikwama moukurona weni none mu damune. Nyama kapi ngazi monayika nkenye apa, azo kumoneka ntudi ngombe vana dipaga. Nsene nyama zina kara po, kuzikunga nawa ntani kuziruganesa hena poyilika. Kugusa ko mompumbwe zonyama, vantu kulisa masini, ehidi ntani nonondya peke dopampo.

Esimbi pomukunda kuzigida yigongi nkenye apa novananhi vendi, ava divise nokuvadiworokesa noveta dopomukunda. Kuvapukurura va kare nawa, kulifumadeka nokupakera sinka yimuna nampo zawo. Kuvapukurura hena va pakere sinka yidira, yitji ntani mema pomukunda.

Nina ya mono hena vantu vapa pomukunda kuruganesa mauhaku gawo gopampo ngwendi nondandani dokomusu, nze zoyindongi zokukukuta nonomutji peke dopampo va hakure mauveragona.

- 1 Ono resa yireswa yivali yiparatjangwa asi ntekwise zantantani ntani mulyo gokukwaterera mpo. Gava malisigo gana kara moyireswa oyo yivali omu dalisiga nondereso nouteku wovanona.

Tjanga nonkango di sike ko-**250 – 300**.

[20]

- 2 Ove mukuronasure posure zimwe zomonkarapamwe zeni. Wa mona nonzira dokulisiga omu vareti novareli wovanona woposure zoge ava tekura vanona vawo. Tjanga nye mbilive kovareti novareli omu ono kugava egano lyoge omu nava vhura kutekura kurera vana vawo nawa.

Tjanga nonkango di sike ko-**250 – 300**.

[20]

RUHA B

- 3 Nkenye kumwe noza moNamibia to zuvhu vantu kuna ku zogera ufuki yangesi narunye kuna kupwaga monosaitunga, TV nokonoradio. Sininke soufuki sina twara sirongo mezome unene ekonomi eli lina gu ntani vantu vana zumbanesa yirugana yawo. Varugani vamwe vemepangero ndi wonongesefa dopaumwene kuna kuruganesa yiweka yovagavi yirugana moukaro woutjotji/ufuki. Vagendesesi vamwe monomberewa depangero ndi noparasitata kuna kugava notendere noyirugana kovaholi vawo nekoro. Yininke youfuki vana hepa kuyilinungagura yipo vayi hagekese po komeho yika dide.

Ove murongwa pwazimwe zonouniversity mosirongo. Tjanga nye sitjangwa (artikeliki) kosaitunga o likide runyegenyo roge kuhamena ufuki, ntani nongendeseso musinke dokuvhura kukandanapo ufuki. Gava managwiro (magano) goge asi yisinke yokuvhura kurugana ko koudigu ou nomu nava uhagekesa po.

Tjanga nonkango di sike ko-**250 – 300**.

[20]

BLANK PAGE

